



Jierferslach 2021



Der Sturm hat das Wasser auf die Hallig getrieben. Nordstrandischmoor,
region Nordfriesland

(boarne: Frisia Coast Trail en Nordstrandischmoor)

Ynhâld

	side
1. Ynlieding	3
2. Fan de foarsitter	4
3. Doelstellings en maatskiplike ynbêding	5
4. Produktferslach	6
a. Aktiviteite-aginda	6
b. Reguliere útwiksels	7
c. Gearwurking	8
EBLT, FYK, Ried fan de Fryske Beweging, Provinsje Fryslân	
d. Dielname oan (ynter-)Fryske aktiviteiten	8
Sitzung des Beratenden Ausschusses für Fragen der friesischen Volksgruppe, septimber	10
Europäische Strasse der Friesen	11
e. Webstek en publisiteit	11
5. Organisaasje	
a. It bestjoer, roaster fan ôfgean	12
b. Gearkomsten	13
6. De Ynterfryske Rie	13
7. Jierrekken 2021	17-24

Taheakke 1: Produktplan 2021

1. Ynlieding

Foar jo lizze de jierstikken fan de *Fryske Rie* oer it jier 2021, besteande út in ferslach fan de aktiviteiten en de jierrekken oer 2021, mei de steat fan baten en lêsten en de balâns fan 31 desimber 2021.

Yn 2021 hawwe wy wurke oan de doelen út it karbrief lykas neamd yn haadstik 3, mar dat waard ús fanwegen it Covid-firus tige dreech makke. Ús waarnimmend foarsitter ljochtet dat neier ta yn syn ynlieding.



It docht de Fryske Rie deugd dat de Rie yn 2021 fersterke is mei nije leden. Sa folge Onno Falkena Kerst Huisman op, mei as oandachtsgebiet media en parse. Ridzerd Hooijenga makke as gast al in tal jierren diel út fan de Fryske Rie. Yn 2021 is regele dat Ridzerd de formele fertsjintwurdiger is fan de Fryske Rie fan Tsjerken. Akkie Lindeboom is beneamd om mei yngong fan septimber 2022 Jeltsje van der Mei op te folgjen, mei as oandachtsgebiet de frouljusmoetings.

Ljouwert, 16 jannewaris 2022

Út namme fan de Fryske Rie,

Saapke Miedema,
sekretaris

2. Foaropwurd fan de waarnimmend foarsitter

Hjirmei biedt it bestjoer fan de Fryske Rie it jierferslach oan. Ús stichtingsjier is tekene troch oan 'e iene kant de koroanaperikels, wêrtroch't ús útfieringsprogramma bot beheind is: gjin Ynterfrysk Kongres as ofsluting fan it trijejierrige foarsitterskip fan de Ynterfryske Rie. Yn 2022 wurdt besocht om dat kongres yn septimber yn Dokkum te hâlden. Slimmer is dat ús foarsitter frou Pytsje de Graaf yn maart troffen is troch in oerhaal en dêrnei al har publike taken dellizze moast. Wy hoopje dat hja wer opknapt en har rol yn it libben wer oppakke kin. Sûnt de sykte fan Pytsje de Graaf fungearret ûndertekene –Teun de Jong, fertsjintwurdiger fan de lânbou – as waarnimmend foarsitter. Dêrnjonken bestiet it deistich bestjoer yn 2021 út sekretaris frou Saapke Miedema en ponghâlder Lolke Folkertsma. It bestjoer fan de Fryske Rie bestiet út offurdige leden út de ferskate dielen fan de Fryske maatskippij. Nettsjinsteande de nije leden is it bestjoer dêrmei noch net op folle sterkte; der wurdt benammen noch socht nei in fertsjintwurdiger fan de jongerein of studinten en de sport ûntbrekt ek noch yn it bestjoer.



De Fryske Rie makket diel út fan de Ynterfryske Rie, it gearwurkingsferbân mei de Dútske Fryslannen, East-Fryslân en Noard-Fryslân. As gefolch fan de beheining troch Covid hawwe alle gearkomsten yn 2021 digitaal west. Dy foarm fan meetings wie in moaie oplossing, mar it bliuwt 'surrogaat'; men moat inoar ek ris yn 'e eagen sjen kinne. Elk hopet dat it firus tenei it wurkprogramma net wer yn 'e tsjillen riidt en wy sjogge as Fryske Rie út nei it útstelde Ynterfrysk Kongres op sneon 17 septimber 2022 yn Dokkum.

Sint Anne, *Teun de Jong*,
waarnimmend foarsitter

3. Doelstellings en maatskiplike ynbêding

It doel fan de Fryske Rie (oerset út it karbrief):

- it ûntwikkeljen fan de Fryske kultuer yn de brede betsjutting, mei help fan ynternasjonale kontakten en troch it skeppen en ûntwikkeljen fan de middels dy't sokke kontakten mooglik meitsje;
- oare Europeeske regio's yn de kunde te bringen mei de Fryske kultuer en it meiwurkjen oan it presintearjen fan de kultuer fan oare Europeeske regio's yn de eigen provinsje;
- it stimulearjen fan de kulturele posysje fan Fryslân yn Europa troch it befoarderjen fan Fryske kulturele aktiviteiten yn oare Europeeske regio's;
- it befoarderjen fan in better begryp en freonskip tusken minsken, groepen en folken;
- benammen it befoarderjen fan de kontakten tusken de trije Fryslannen.

De gearstalling (ek oerset út it karbrief): |

It bestjoer fan de stifting bestiet op syn minsten út fiif en op syn heechst út fyftjin persoanen, dy't, as it kin, foardroegen wurde troch de neifolgjende organisaasjes of harren rjochtsopfolgers:

- ien troch de organisearre lânbou;
- ien troch de Fryske frouljusorganisaasjes;
- ien troch de Fryske Akademy;
- ien troch de Feriening fan Fryske Gemeenten;
- ien út of foar de Fryske jongerein;
- ien út of foar it ûnderwiis yn Fryslân;
- ien út it Frysk tsjerklik fermidden;
- ien út it Fryske bedriuwslibben;
- ien út de Fryske sportwrâld.

Dêrneist kinne ek oaren dy't in positive ynbring hawwe kinne by it realisearjen fan de doelen, streekrjocht beneamd wurde troch it bestjoer fan de Fryske Rie. Neist bestjoersleden kinne der minsken oanwiisd wurde as dielnimmer.

By de gearstalling fan it bestjoer wurdt stribbe nei in brede fertsjintwurdiging fan de Fryske befolking.

4. Produktferslach

a. Aktiviteite-aginda

De (Ynter)fryske Rie hat in aktiviteite-aginda, dy't yn 'e regel foar in tal ûnderwerpen jierren yn 't foar fêststeld wurdt. Der binne tradisjoneel ferskate soarten reguliere aktiviteiten:

- ❖ It Ynterfrysk Kongres, dat fan 1925 ôf plakfynt en sûnt de jierren fyftich om 'e trije jier holden wurdt, ôfwikseljend yn ien fan de Fryslannen.

Eltse presidintsperiode fan trije jier wurdt ôfsletten my in Ynterfrysk Kongres. Dat soe dan oan de ein fan it foarsitterskip fan de Fryske Rie yn juny 2021 plakfine. Spitigernôch moast begjin 2021 it beslút nommen wurde om it kongres fanwegen de ûnwisse sitewaasje mei COVID-19 te ferskoven nei septimber 2022. Wol is yn juny it foarsitterskip oergongen nei Nordfriesland, mar it Ynterfrysk Kongres sil yn 2022 plakfine mei de Fryske Rie as deipresidint.

De tariedings binne mei de Wurkgroep Ynterfrysk Kongres trochgongen. De wurkgroep bestiet út Han Nijdam (Fryske Akademy), Tjitske Posthumus-Kingma (Provinsje Fryslân), Pytsje de Graaf (foarsitter Fryske Rie) – en nei har siikwurden Froukje de Jong-Krap (siktaris ynter-Fryske saken). De wurkgroep hat ferskillende kearen digitaal oerlis hân. Op freed 16 septimber wurdt oansletten bij de Fryske Akademy-dei dy't yn it WTC yn Ljouwert plakfynt, op sneon 17 septimber 2022 sil it Ynterfrysk symposium plakfine.

Der is foar de sneon in program ûnder foarbehâld fan omstannichheden makke. As tema is keazen: 'De Ferbinende Ekonomy fan de Fryslannen troch de iuwen hinne'. It tema wurdt út ferskate stânpunten wei breed beljochte. De measte útnûge sprekkers hawwe tasein mei te dwaan en der is in begrutting foar alle kosten makke. De lokaasje is ek fêstlein: De IJsherg yn Dokkum.

Nei ôfrin fan it deiprogram sil der in besite brocht wurde oan de Bonifatiuskapel, dêr't nei in rûnlieding in oekomenyske Fryske tsjerktetsjint hâlden wurdt.

De Provinsje Fryslân hat € 5.000,- tasein as bydrage yn de kosten, foar de oare kosten, dy't net dutsen wurde út de dielnimmersbydrage, wurde ferskate fûnsen en stiftings frege. Der wurde 150 oant 200 dielnimmers ferwachte en der wurdt ek ynset op it útnûgjen fan studinten NHL/Stenden.

- ❖ It 'Friesen-droapen' (earder de 'Sternfahrt der Friesen') op Hilgelân, in kultureel evenemint om 'e trije jier, mei artysten út alle Fryslannen. Dat barren fan Westerlauwerske en Noard- en East-Friezen is en wurdt holden foar in breed publyk út de trije Fryslannen. Yn 2019 wie der in Friesen-droapen (sjoch fierderop yn dit ferslach). Yn 2022 is der wer in Friesen-droapen. De organisaasje is diz' kear yn hannen fan Seksje Noard.



Frasche Rädj @FriesenratNord · 3 u

Nordfriesen bereiten

HELGOLANDTREFFEN 2022 vor.

Eine kleine Delegation des Frasche Rädj / Friesenrat Sektion Nord reiste nach Helgoland um das interfriesische Treffen im kommenden Jahr vorzubereiten. Alle weiteren Infos sind demnächst erhältlich.

friesenrat.de/inside/pdf/202...



- ❖ De reguliere útwiksels; moetingen fan de beropsgroepen dy't yn de Fryske Rie fertsjintwurdige binne, ôfwikseljend yn ien fan de trije Fryslannen.
- ❖ Alle jierren op 'trede pinksterdei' fynt yn Rahe, by Auwerk/Auerk (Aurich) in betinkingsplak fan de Fryske frijheid, sa't dy fan âlds bestien hat, by de *Opstalsbeam*. Út de Fryske Rie wei binne dêr ek fertsjintwurdigers by oanwêzich. Yn 2021 hat de betinking net west.

b. Reguliere útwiksels

De jierlikse moetingen jouwe by útstek mooglikheden om mei minsken fan bûten ús provinsje yn kontakt te kommen en ek oaren priuwe te litten oan ús Fryslân en ús Fryske taal. It is dan ek dúdlik dat wy mei dy aktiviteiten bydrage oan de doelstellings fan de provinsjale beliedsnota 'Grinzen oer', te witten it styppen fan de Fryske taal en kultuer.

Frouljusmoeting

It earstfolgjende frouljusstreffen is yn septimber 2022, by ús yn Westerlauwersk Fryslân. In wurkgroep ûnder lieding fan Jeltsje van der Mei en Akkie Lindeboom hat in gaadlik programma gearstald, groepsakkommodaasje hierd en in begrutting opsteld.

C. Gearwurking

It Europeesk buro foar Lytse Talen

De *Fryske Rie* is ien fan de ynstânsjes dy't in sit hat yn it *Europeesk Buro foar Lytse Talen* (EBLT), dat by *Mercator* yn de Fryske Akademy ûnderbrocht is. Ut namme fan de Fryske Rie wennet Saapke Miedema de gearkomsten by.

It FYK en Ried fan de Fryske Beweging

De *Fryske Rie* is stiper fan it FYK (jongereinferiening 'Frysk Ynternasjonaal Kontakt') en lid fan de *Ried fan de Fryske Beweging*. Ut namme fan de *Fryske Rie* hat Sytze T. Hiemstra in sit yn de Ried fan de Fryske Beweging.

Kontakt mei de Provinsje Fryslân

Beliedsmeiwurker frou Posthumus-Kingma is ús kontaktpersoan. De Fryske Rie stelt bot op priis dat frou Posthumus-Kingma diel útmakket fan de wurkgroep Ynterfrysk Kongres, mei Han Nijdam, Froukje de Jong-Krap en Pytsje de Graaf. It Ynterfrysk Kongres wurdt om de trije jier organisearre en om bar yn ien fan de seksjes. Yn septimber 2022 is it Ynterfrysk Kongres yn Fryslân.

Baldrs Draumar


Baldrs Draumar is de Fryske band dy't yn 2019 meigie nei Hilgelân en dêr optredens fersoarge hat. De band fersoarge doe ek in wurkwinkel dêr't de tekst foar in nij ynter-Frysk liet út ûntstien is. Op dit stuit wurket de band oan it op muzyk setten fan de tekst. It doel is dat it ynter-Fryske liet ree is foar it earstfolgjende Hilgelân-treffen yn maaie 2022.

d. Dielname oan (ynter-)Fryske aktiviteiten


Biikebrennen


Yn febrewaris koe de tradisjoneel troch Seksje Noard organisearre resepsje om it Biikebrennen hinne fysyk net trochgean. De organisaasje besleat in online seminar te hâlden. It wie in nijsgjirrich programma en tal fan Westerlauwerske Friezen heakken online oan.

It Biikebrennen (Dútsk), biikebrânen (Noard-Frysk) of Pers Aften (Deensk) is in tradisjoneel



folksfeest yn Noard-Fryslân en yn Denemark. Op Sint Piter (21 febrewaris) wurde dan grutte brânsteapels (de *biike*) opsmiten. Elk doarp en in soad pleatsen en buorskippen hawwe harren eigen biike.





Oer de oarsprong fan it biikebrennen bestean ferskillende teoryen. Mei de biike soe de kommende maitiid ferwolkomme wurde. De striepoppe, dy't yn guon doarpen op de brânsteapel stiet, soe dan de winter foarstelle dy't troch de waarmte fertard wurdt. Der wurdt ek wol tocht oan de biike as symboalske fjoertoer, lichtwol as opfolger fan de primitive ljochtbeakens dy't yn de 17e en 18e iuw opsmitten waarden foar de seefarders en benammen de protten manlju dy't mei wiene op walfiskfeart. Dat soe de namme fan it feest 'beaken baarne' ferklearje.

Yn 2023 hopet de Fryske Rie mei in brede fertsjintwurdiging in besite te bringen oan it Biikebrennen en de resepsje dy't der tradisjoneel omhinne organisearre wurdt.

'Sitzung des Beratenden Ausschusses für Fragen der friesischen Volksgruppe'

lenris yn it jier wurdt de saneamde **'Sitzung des Beratenden Ausschusses für Fragen der friesischen Volksgruppe'** holden. Yn 2017 wie de provinsje Fryslân ek útnûge; doe wiene deputearre Poepjes en beliedsamtner Riemersma derby. Sy hawwe doe oanbean dat ien fan de earstfolgende gearkomsten wol yn Ljouwert holden wurde koe. Dat is op dit stuit noch net realisearre.

Lykas yn 2020 wie de de Sitzung yn 2021 wer online. Arno Ulrichs fan Seksje East hat ús

fertsjintwurdige.



Arno Ulrichs


2 u. · 🌐

Duits ▶ Nederlands

Sitzung des Beratenden Ausschusses für Fragen der friesischen Volksgruppe beim Bundesministerium des Innern - natürlich als Videokonferenz

Vergadering van het Raadgevend Comité voor vragen van de Friese etnische groep bij het Federaal Ministerie van Binnenlandse Zaken - uiteraard als videoconferentie

⚙️ · Origineel verbergen · Vertaling beoordelen



Europäische Straße der Friesen

Der hawwe yn 2021 ferskate petearen west, sawol yn Fryslân as yn ynter-Frysk ferbân, oer hoe't de Strasse der Friesen, de ferbining oer sawol echte diken as troch taal en kultuer, ta stân komme kin. In ûndersyk troch de oplieding Toerisme fan de HBÛ yn Heide, Dútslân jûch mear fragen as antwurden en de konklúzje fan alle belutsenen wie dat der earst yn it eigen Fryslân praat wurde moat oer dy fragen. Nei 2022 sil der fierder oer praat wurde yn ynter-Frysk ferbân.

e. Webstek en publisiteit

De *Fryske Rie* en de *Ynterfryske Rie* kundigje harren meetings oan en dogge ferslach fan harren aktiviteiten op www.fryskerie.frl en www.interfriesischerrat.de. Dêrmei wurdt ek in ynfolling jûn oan it produkt 'publisiteit' fan de provinsje. Yn 2021 is in saneamd snuteboek realisearre.

Op 24 oktober stie de Fryske Rie de hiele dei mei in diske op de fjouwerjierlikse Fryske Tsjerkedei. It wie tige moai waar, dat it tal besikers oan de Dr. Wumkesskoalle foel wat ôf, mar der binne dochs weardefolle petearen fierd, nije kontakten lein, ek ûnderling mei de oare standhâlders. It barren waard útstjoerd op Omrop Fryslân.

Programma-overzicht Friese Kerkendag 2021 op 24 oktober te Joure

	De Varnoring	De Gerducht	St. Mattheuskeat
10.00 Opmoediging	De Varnoring	De Gerducht	St. Mattheuskeat
10.30 Opmoediging	De Varnoring	De Gerducht	St. Mattheuskeat
11.00 Opmoediging	De Varnoring	De Gerducht	St. Mattheuskeat
11.30 Opmoediging	De Varnoring	De Gerducht	St. Mattheuskeat
12.00 Opmoediging	De Varnoring	De Gerducht	St. Mattheuskeat
12.30 Opmoediging	De Varnoring	De Gerducht	St. Mattheuskeat
13.00 Opmoediging	De Varnoring	De Gerducht	St. Mattheuskeat
13.30 Opmoediging	De Varnoring	De Gerducht	St. Mattheuskeat
14.00 Opmoediging	De Varnoring	De Gerducht	St. Mattheuskeat
14.30 Opmoediging	De Varnoring	De Gerducht	St. Mattheuskeat
15.00 Opmoediging	De Varnoring	De Gerducht	St. Mattheuskeat
15.30 Opmoediging	De Varnoring	De Gerducht	St. Mattheuskeat
16.00 Opmoediging	De Varnoring	De Gerducht	St. Mattheuskeat
16.30 Opmoediging	De Varnoring	De Gerducht	St. Mattheuskeat
17.00 Opmoediging	De Varnoring	De Gerducht	St. Mattheuskeat
17.30 Opmoediging	De Varnoring	De Gerducht	St. Mattheuskeat



5. Organisaasje

a. It bestjoer

De gearstalling fan it algemien bestjoer fan de Fryske Rie is regele yn it karbrief.

Dêrmei hat it bestjoer fan de Fryske Rie (tagelyk seksje West fan de Ynterfryske Rie) mei yngong fan 1 jannewaris 2022 de neikommende gearstalling:

- * Teun de Jong (boeren), waarnimmend foarsitter, Deistich Bestjoer
- * Pytsje de Graaf, foarsitter, Deistich Bestjoer
- * Saapke Miedema, sekretaris, Deistich Bestjoer
- * Lolke Tj. Folkertsma, ponghâlder, Deistich Bestjoer
- * Froukje de Jong-Krap, sekretaris Ynterfryske Rie
- * Onno P. Falkena, media
- * Sytze T. Hiemstra, Frysk ûnderwiis
- * Ridzerd Hooijenga út Burgum, Fryske tsjerken
- * Rob Jonkman, VFG
- * Akkie Lindeboom en Jeltsje van der Mei, Vrouwen van Nu
- * Han Nijdam, Fryske Akademy
- * Gelkje Schotanus, bedriuwslibben



Boppeste rige f.l.n.rj. Sytze Hiemstra, Rob Jonkman, Lolke Folkertsma, Teun de Jong, Onno Falkena, Froukje de Jong-Krap, Ridzerd Hooijenga, Han Nijdam. Foarste rige f.l.n.rj. Akkie Lindeboom, Gellkje Schotanus, Jeltsje van der Mei, Saapke Miedema (foto frij fan rjochten Meilana Fortuin)

It roaster fan ôfgean sjocht der as folget út:

Beneamd:		Giet ôf:
2010/2014	(sept.) Jeltsje van der Mei-Akkerman	2022
2006/2010/2014/2018	(febr.) Sytze Hiemstra	2022
2014/2018	(febr.) Pytsje de Graaf	2022
2018	(sept.) Saapke Miedema	2022
2018	(des.) Rob Jonkman	2022
2014/2018	(des.) Gellkje Schotanus	2022
2015/2019	(maaie) Lolke Folkertsma	2022
2019	(aug.) Han Nijdam	2023
2020	(jan.) Teun de Jong	2024
2020	(febr.) Froukje de Jong-Krap	2024
2021	(maaie) Onno P. Falkena	2025
2021	(jun) Ridzerd Hooijenga	2025
2021	(sept.) Akkie Lindeboom	2025

Ôfgeande leden binne daliks op 'en nij foar 4 jier te beneamen of werkiesber.

It webstek wurdt op frijwillige basis byholden troch Marja ten Bruggencate.

b. Gearkomsten

It bestjoer fan de *Fryske Rie* is yn 2021 5x kear gearkommen, nammentlik op 9 maart, 11 maaie, 29 juny (fideobeljen), 14 septimber (fysyk) en 17 novimber (fideobeljen). It Deistich Bestjoer hat ek in tal kearen in online gearkomste holden en hat 1x fysyk byinoar west.

6. De Ynterfryske Rie

(IFR - Interfriesischer Rat): www.interfriesischerrat.de

De *Ynterfryske Rie* (YFR) is de koepel dêr't alle trije Fryske Rieden lid fan binne. Se wurde yn dat ferbân oantsjut as de seksjes Noard, East en West.

It *algemien bestjoer* bestiet út alle leden fan de algemiene bestjoeren fan de trije Fryske Rieden. Dat betsjut dus dat alle leden fan de Fryske Rie dêryn sitte. Yn juny fan 2021 binne it foarsitterskip en it skriuwerskip fan Westerlauwersk Fryslân oergien nei Noard-Fryslân. It foarsitterskip is oergien fan Pytsje de Graaf nei Ilse Johanna Christiansen. Dat barde online. Ilse Johanna Christiansen hie online symboalysk dochs wat taret om dêrby stil te stean (foto).



Figure 1 Bahnsen lokwinket Ilse Johanna Christiansen mei it foarsitterskip fan de Ynterfryske Rie

Burohâldster foar Westerlauwersk Fryslân is Froukje de Jong-Krap. Neffens wenst wikselet it foarsitterskip en it skriuwerskip om 'e trije jier.

It *deistich bestjoer* (de 'Vorstand') bestiet út 2 leden fan eltse seksje. Foar East-Fryslân binne dat Helmut Collmann en Arno Ulrichs, fan/foar Noard-Fryslân frou Ilse Johanna Christensen en frou Gudrun Fuchs. Yn 20201 hiene foar ús Fryslân Pytsje de Graaf en Saapke Miedema in sit yn de *Vorstand*. Fan maart 2021 ôf naam Teun de Jong dy funksje fan Pytsje de Graaf waar. It Deistich Bestjoer fan de Ynterfryske Rie hie yn 2021 in pear online-gearkomsten. Foar 2019 wie it wenst om inoar twaris yn 't jier yn Oyten te treffen. Bliken docht dat online-gearkomsten tige effisjint binne, dat tenei sille online-gearkomsten wol yn stân bliuwe, ôfwiksele mei gearkomsten op in sintraal plak of by Ynterfryske Rie-aktiviteiten.



1 Online-gearkomste Vorstand IFR novimber 2021. Seksje Noard, boppe midden: Heinrich Bahnsen, ferfangt de sike Gudrun Fuchs; ûnder lofts: Ilse Johanna Christiansen en 2e rige midden: Frank Nickelsen. Seksje East (2e rige rjochts): Arno Ulrichs en (2e rige lofts) Helmut Collmann. Seksje West (1e rige rjochts): Teun de Jong, (ûnder midden) Froukje de Jong-Krap en (boppe lofts) Saapke Miedema.

De *Fryske Rie* hat twa susterorganisaasjes, dy't mei de *Fryske Rie* de *Ynterfryske Rie* foarmje. It binne:

Frasche Rädj Sektion Nord

www.friesenrat.de

Frasche Rädj Sektion Nord

De seksje Noard wie yn 2021 sa gearstald:

- * Ilse Johanna Christiansen (fertsjintwurdichster fan de Friisk Foriining), foarsitter, lid Vorstand YFR;
- * Heinrich Bahnsen (fertsjintwurdiger Nordfriesischer Verein), fise-foarsitter;

- * Ute Jessen, (fertsjintwurdichster fan de Friisk Foriining),
 - * Eva Waltemath (fertsjintwurdichster fan de gemeente Hilgelân);
 - * Gudrun Fuchs (fertsjintwurdichster fan de Nordfriesischer Verein), lid Vorstand YFR
 - * Hans-Georg Hostrup, (fertsjintwurdiger Heimatbund Landschaft Eiderstedt);
 - * Maren Jessen (fertsjintwurdiger fan de Nordfriesischer Verein / Sölring Foriining foarsitter),
ponghâlder;
 - * Jens Quedens (fertsjintwurdiger Öömring Ferian);
 - * Charly Rickmers (fertsjintwurdiger fan de Nordfriesische Verein / Fering Ferian foarsitter)
 - * Inken Völpel-Krohn (fertsjintwurdichster fan it Verein für das Nordfriesische Institut
foarsitter);
 - * Jürgen Ingwersen (fertsjintwurdichster fan de Sölring Foriining);
- sekretariaat: Frank Nickelsen (Geschäftsführer) en Anni Karnebogen (meiwurkster).

Freeske Raad/ Fräiske Râid Sektion Ost

Freeske Raad/ Fräiske Râid Sektion Ost

Gearstalling seksje East (Friesenrat) ein 2021:

- * Arno Ulrichs, foarsitter (fertsjintwurdiger fan it Friesische Forum), lid *Vorstand* YFR;
- * Helmut Collmann, fise-foarsitter (fertsjintwurdiger fan de Ostfriesische Landschaft),
lid Vorstand YFR;
- * Volker Landig, ponghâlder (fertsjintwurdiger fan de Oldenburgische Landschaft en
Jeverländer Altertums- und Heimatverein);
- * Dr. Wolfgang Meiners, sekretaris (fertsjintwurdiger fan de Rüstringer Heimatbund);
- * Peter Brauer (fertsjintwurdiger fan it Ostfriesisches Klootschießverbund);
- * Gerhard Cordes (fertsjintwurdiger fan de Ostfriesische Landjugend);
- * Uta Mansholt (fertsjintwurdichster fan de Ostfriesische Landfrauen);
- * Dieter Osterdorff (fertsjintwurdiger fan de Landesstube des alten Landes Wursten);
- * Georg Pahl (fertsjintwurdiger fan de Seelter Buund);
- * Michael Tegge (fertsjintwurdiger fan de Verein Mittelalterlicher Friesenhof
Cappel-Neufeld).

7. Jierrekken 2021 Stifting Fryske Rie



Lolke Folkertsma, ponghâlder

Steat fan baten en lêsten Fryske Rie oer 2021

Stifting Fryske Rie


Begjinsaldo 1 jannewaris 2021	€ 4.077,79
Bydrage Provinsje Fryslân 2020	€ 4.703,50
Bydrage Provinsje Fryslân 2021	€ 4.800,00
Oerboekt fan bankrekken Ynterfryske Rie (YFR)	€ 413,33
Rinte sparrekken	0,43
Mei-inoar	€ 9.917,26

Utjeften	
Frijwilligersfergoeding	€ 1.500,00
Frouljusmoeting 2022	€ 1.090,06
Bestjoerskosten	€ 57,90
Bydragen, lidmaatskippen	€ 441,00
Bankkosten	€ 160,90
Webside	€ 388,14
Oerrinpost 2020 (YFR)	€ 100,00
Mei-inoar	€ 3.738,00

BS - Begjinsaldo 1 jannewaris 2021	€ 4.077,79
Ynkkomsten	€ 9.917,26
Utjeften	€ 3.738,00 -
ES - Einsaldo 31 desimber 2021	€ 10.257,05 *

*Konfoarm de bankôfskriften:

Rekken koerant	€ 7.864,95
Sparrekken	€ 2.392,10
	<u>€ 10.257,05</u>



Namme aktiviteit: Bestjoerlike kontakten	
Kontaktpersoan + kontaktgegevens:	Lolke Folkertsma, De Skâns 20, 9101 HR Dokkum
Beskriuwing aktiviteit	
Omskriuwing fan de aktiviteit:	<ul style="list-style-type: none"> • Kommunikaasje mei it deistich bestjoer ("Vorstand") fan de Interfriesischer Rat e.V. (Westfrysk: Ynterfryske Rie, YFR). It bestjoer fan de stifting Fryske Rie (FR) foarmet de Sektion West fan de Interfriesischer Rat. Twaris yn it jier of faker as nedich, wurdt in gearkomste holden fan de leden fan it deistich bestjoer fan de Ynterfryske Rie ynklusyf technyske stipe troch in Geschäftsführerin). Yn it jier 2020 is it doel de kontakten ynhâldik en organisatoarysk fuort te sterkjen. Mear kontakt mei it WestFries Genootschap yn Hoorn ûnderstreket dat ek. Dêrta kinne wy ek in berop dwaan op in betûfte frijwillichster. In frijwilligersfergoeding stiet der foaroer. • Kosten foar it bywenjen fan de jierlikse miene gearkomste fan de leden fan de YFR. Ienris yn it jier is der in miene gearkomste fan alle leden fan de YFR. Yn 2020 fynt de miene gearkomste plak yn Sealterlân. • De YFR wurdt op basis fan pariteit troch in kontribúsje fan de trije seksjes finansjeel yn stân hâlden. • De FR nimt diel oan de troch it Friesische Forum alle jierren organisearre betinking by de Upstalbeam by Rahe/Auwerk. • Besite oan de twajierlikse Westfriesland-dei yn Skagen. • De FR is lid fan de Nederlânske Kommisje fan it Europeesk Buro foar Lytse Talen (NK EBLT). Dat betsjut dat dêr kosten foar makke wurde, û.o. reiskosten. • De FR is stiper fan en hâldt goede kontakten mei jongereinorganisaasje FYK. De kosten dêrfoar beheine har tot in lyts bedrach oan stipe. • De FR is lid fan de Ried fan de Fryske Beweging (RfFB). Dit ferget in jierlikse bydrage en reiskosten. <p>Njonken it boppesteande, en yn oanfolling dêr op, wurde der kommunikaasjekosten makke foar post en e-post yn it ûnderling ferkear. Foar berêden fan de jildlike middels wurde der bankkosten makke.</p>

	<p>Doel:</p> <p>(a) It befoarderjen en ûnderhâlden fan de kontakten tusken de trije Fryslannen.</p> <p>(b) Troch ynternasjonale Europeeske kontakten de Fryske taal en oare kultuer en de minderheidsposysje fan de Friezen en fan harren taal oer de (Nederlânske) grins hinne bekend meitsje yn Europa en te ferlykjen mei dy fan oare – net Fryske- minderheden yn Europa.</p> <p>(c) Aktiviteiten rjochte op jongerein yn oare Europeeske minderheidsgebieten as dy fan de Friezen yn Dútslân om dy jongerein yn kontakt te bringen mei ús taal en oare kultuer en om fan dy jongerein ynspiraasje op te dwaan om by ús fierder te gean.</p> <p>Middel:</p> <p>(a) Tarieding fan miene gearkomsten. Ofstimming en regeljen fan de aktiviteiten yn de trije seksjes fan de YFR en tarieding fan jierlikse miene gearkomsten (sa'n 30 minsken).</p> <p>(b) Om dûbeling fan wurk foar te kommen, en út finansjele oerwagings, wurdt dit doel befoardere troch it aktive lidmaatskip fan it NK EBLT.</p> <p>(c) It FYK hat him njonken de Fryske Rie oprjochte en ûntwikkele ta in organisaasje dy't aktiviteiten ûndernimt foar minsken fan 15 oant 35 jier yn it ramt fan doelstelling (c). De Fryske Rie ûnderhâldt dêrom goede kontakten mei it FYK en stipet mei wêr't hja kin. Dûbeld wurk wurdt op dy manier tefoaren kommen.</p> <p>(d) Fierders hat de RfFB foar in part deselde doelstellings as de Fryske Rie. De Fryske Rie is dêrom, fanwegen de koördinaasje, lid fan de RfFB.</p>
	<p>(a) In goed ferrin fan de miene gearkomsten en it ûnderhâlden fan ynterfryske kontakten mei foaroanmannen en -frouwen út de trije Fryslannen.</p> <p>Koördinaasje fan aktiviteiten en oppakken fan nije inisjativen. Besprek fan de (politike en ekonomyske) ûntjouwings yn de trije Fryslannen.</p>
Beëage kwantitative resultaten:	Fersterking en ferbreiding fan it bestjoer fan de Fryske Rie sil benammen ek yn oerlis mei de provinsje stâl jûn wurde moatte. Professionalisearring fan de organisaasjestrúktuur fan de YFR yn de breedste sin fan it wurd is needsaak.
Beëage effekten	
Effektemjitting (hoe wurdt it effekt metten)?	Troch skriftlike evaluaasje en wat de organisaasjes b, c en d oanbelanget troch de provinsjale evaluaasjes fan dy subsidiearre ynstellings.
Gearwurkingspartners:	YFR, NK EBLT, FYK, RfFB, Westfries Genootschap
Wize fan publyksrjochte kommunikaasje: <i>Foarbyld: brosjuere, webside, Facebook.</i>	Gjin spesjale, mar by al de uterings fia hiemside en sosjale media, parseberjochten ensafuorthinne wurdt yn it Frysk omtinken jûn oan de aktiviteiten en spesifyk beneamd dat dy mei troch stipe fan de Provinsje Fryslân stal krije kinne.
Kosten en opbringsten:*	Finansieringstabel, taheakke 2b jout in gearfetsjend oersjoch fan alle aktiviteiten
Oare relevante punten?	Beliedsplan Provinsje Fryslân 'Nij Poadium' 20212024. Keunst & kultuur, taal & ûnderwiis en erfgoed yn Fryslân.

Namme aktiviteit: Bestjoerlike kontakten	
Kontaktpersoan + kontaktbysûnderheden:	Lolke Folkertsma, De Skâns 20, 9101 HR Dokkum, tel. 06 46 15 77 36, lolketjitefolkertsma@gmail.com
Beskriuwing aktiviteit	
Omskriuwing fan de aktiviteit:	<ul style="list-style-type: none"> • Kommunikaasje mei it deistich bestjoer ("Vorstand") fan de Interfriesischer Rat e.V. (West-Frysk: Ynterfryske Rie, YFR). It bestjoer fan de stifting Fryske Rie (FR) foarmet de Sektion West fan de Interfriesische Rat. Twaris yn it jier of faker as nedich, wurdt in gearkomste holden fan de leden fan it deistich bestjoer fan de Ynterfryske Rie (ynklusyf technyske stipe troch in Geschäftsführerin). De gearkomsten binne om en om fysyk en middels fideobeljen. Yn it jier 2021 is it doel ek om de kontakten ynhâldik en organisatoarysk fuort te sterkjen. Mear kontakt mei it WestFries Genootschap yn Hoorn ûnderstreket dat ek. Dêrta kinne wy ek in berop dwaan op in betûfte frijwillichster. In frijwilligersfergoeding stiet der foaroer. • Kosten foar it bywenjen fan de jierlikse miene gearkomste fan de leden fan de YFR. Ienris yn it jier is der in miene gearkomste fan alle leden fan de YFR. Yn 2021 fynt de miene gearkomste plak yn Fryslân. • De YFR wurdt op basis fan pariteit troch in kontribúsje fan de trije seksjes finansjeel yn stân holden. • De FR nimt diel oan de troch it Friesische Forum alle jierren organisearre betinking by de Upstalbeam by Rahe/Auwerk. • Besite oan de twajierlikse Westfriesland-dei yn Skagen. • De FR is lid fan de Nederlânske Kommisje fan it Europeesk Buro foar Lytse Talen (NK EBLT). Dat betsjut dat dêr kosten foar makke wurde, û.o. reiskosten. • De FR is stiper fan en hâldt kontakten mei jongereinorganisaasje FYK. De kosten dêrfoar beheine har tot in lyts bedrach oan stipe. • De FR is lid fan de Ried fan de Fryske Beweging (RfFB). Dat fergiet in jierlikse bydrage en reiskosten. <p>Njonken it boppesteande, en yn oanfolling dêr op, wurde der kommunikaasjekosten makke foar post en e-post yn it ûnderling ferkear. Foar berêden fan de jildlike middels wurde der bankkosten makke.</p>
Nei te stribjen kwantitative resultaten:	Fersterking en ferbreiding fan it bestjoer fan de Fryske Rie sil benammen ek yn oerlis mei de provinsje stal jûn wurde moatte. Profesjonalisearring fan de organisaasjestrúktuer fan de YFR yn de breedste sin fan it wurd is needsaak.
Nei te strjibjen effekten	<p>In goed ferrin fan de miene gearkomsten en it ûnderhâlden fan ynterfryske kontakten mei foaroanmannen en -frouwen út de trije Fryslannen en Westfriesland.</p> <p>Koördinaasje fan aktiviteiten en oppakken fan nije inisjativen. Besprek fan de (politike en ekonomyske) ûntjouwings yn de trije Fryslannen.</p> <p>Doel:</p> <p>(a) It befoarderjen en ûnderhâlden fan de kontakten tusken de trije Fryslannen.</p> <p>(b) Troch ynternasjonale Europeeske kontakten de Fryske taal en oare kultuer en de minderheidsposysje fan de Friezen en fan harren taal oer de (Nederlânske) grins hinne bekend meitsje yn Europa en te ferlykjen mei dy fan oare – net Fryske- minderheden yn Europa.</p>

	<p>(c) Aktiviteiten rjochte op jongerein yn oare Europeeske minderheidsgebieten as dy fan de Friezen yn Dútslân om dy jongerein yn kontakt te bringen mei ús taal en oare kultuer en om fan dy jongerein ynspiraasje op te dwaan om by ús fierder te gean.</p> <p>Middel:</p> <p>(a) Tarieding fan miene gearkomsten. Ofstimming en regeljen fan de aktiviteiten yn de trije seksjes fan de YFR en tarieding fan jierlikse miene gearkomsten (sa'n 30 minsken).</p> <p>(b) Om dûbeling fan wurk foar te kommen, en út finansjele oerwagings, wurdt dit doel befoardere troch it aktive lidmaatskip fan it NK EBLT.</p> <p>(c) It FYK hat him njonken de Fryske Rie oprjochte en ûntwikkele ta in organisaasje dy't aktiviteiten ûndernimt foar minsken fan 15 oant 35 jier yn it ramt fan doelstelling (c). De Fryske Rie ûnderhâldt dêrom kontakten mei it FYK en stipet mei wêr't hja kin. Dûbeld wurk wurdt op dy manier tefoaren kommen.</p> <p>(d) Fierders hat de RfFB foar in part deselde doelstellings as de Fryske Rie. De Fryske Rie is dêrom, fanwegen de koördinaasje, lid fan de RfFB.</p>
Effektemjitting (hoe wurdt it effekt metten)?	Troch skriftlike evaluaasje en wat de organisaasjes b, c en d oanbelanget troch de provinsjale evaluaasjes fan dy subsidiearre ynstellings.
Gearwurkingspartners:	YFR, NK EBLT, FYK, RfFB, Westfries Genootschap
Wize fan publyksrjochte kommunikaasje: <i>Foarbyld: brosjure, webside, Facebook.</i>	By al de uterings fia hiemside en sosjale media, parseberjochten ensfh. wurdt yn it Frysk omtinken jûn oan de aktiviteiten en spesifyk beneamd dat dy mei troch stipe fan de Provinsje Fryslân stal krije kinne.
Kosten en opringsten:*	Finansieringstabel, taheakke 2b jout in gearfetsjend oersjoch fan alle aktiviteiten
Oare relevante punten	Beliedsnota 'Nij Poadium' 2021-2024 Keunst & kultuer, taal & ûnderwiis en erguod yn Fryslân. De doelstellings dy't foar de Fryske Rie fan tapassing binne, lizze op it mêd fan taal, ambysjes 7A, 7B en 7C yn haadstik 5.

Namme aktiviteit: Moetings	
Kontaktpersoan + kontaktbysûnderheden:	Lolke Folkertsma, De Skâns 20, 9101 HR Dokkum, tel. 06 46 15 77 36, lolketjitefolkertsma@gmail.com
Beskriuwing aktiviteit	
Omskriuwing fan de aktiviteit:	<p>Organisaasje fan ynter-Fryske moetings yn Europa. Yn 2021 steande folgjende aktiviteiten op steapel:</p> <ol style="list-style-type: none"> It trijierlikse ynter-Fryske kongres yn Fryslân Besite oan de jierlikse betinking by de Upstalsbeam yn Auwerk Besite oan de twajierlikse Westfrieslanddei yn Skagen, mei in eigen Fryske Rie en Ynterfryske Rie-diske en of ien of mear wurkwinkels. It tarieding fan de twajierlike Frouljusmoeting, yn 2022 yn Fryslân. Kontakt mei it Nordwin College oer de jierlikse moeting foar agraryske studinten It tarieden fan de ynter-Fryske kulturele manifestaasje op Hilgelân: it Friesen-droapen yn 2022.
Nei te stribjen kwantitative resultaten:	<p>It fersterkjen en ûnderhâlden fan de bân tusken de ûnderskate Fryslannen.</p> <p>It útwikseljen fan ideeën ûnder mear op it mêd fan toerisme en polityk-bestjoerlike saken, kontakten lizze en ûnderhâlde, West-Friezen yn kontakt bringe mei Dútske Friezen en har taal en oare kultuer. Jongerein bewust meitsje fan de Fryske identiteit fan harsels en dy fan "bûtenlânske" Friezen. It troch de studinten sels ynfoljen fan – parten an - de moetings en it meitsjen fan skriftlike ferslaggen.</p> <p>Bekendmeitsjen fan Fryske kultuer yn Europa.</p>
Nei te strjibjen effekten	<p>Doel:</p> <p>It ûntwikkeljen fan de Fryske kultuer yn de brede betsjutting mei help fan ynternasjonale kontakten en mei 't skeppen en ûntwikkeljen fan de middels dy't sokke kontakten mooglik meitsje;</p> <p>It bekend meitsjen yn oare Europeeske regio's fan de Fryske kultuer en it jaan fan meiwurking oan de presintaasje fan de kultuer fan oare Europeeske regio's yn de eigen provinsje;</p> <p>It stimulearjen fan de kulturele posysje fan Fryslân yn Europa mei it befoarderjen fan Fryske kulturele aktiviteiten yn oare Europeeske regio's;</p> <p>It befoarderjen fan in better begryp en freonskip tusken minsken, groepen en folken.</p> <p>It benammen befoarderjen fan de kontakten tusken de trije Fryslannen.</p> <p>De klam sil yn 2021 lizze op tarieding en úttfiering fan de it trijierlikse Ynterfryske Kongres.</p> <p>Sa as by de bestjoerlike kontakten al oanjûn is, is de Fryske Rie yn kontakt mei de Provinsje Fryslân oer feroaring en fierdere profesjonalisearring.</p> <p>De Fryske Rie giet tegearre mei Sektion Ost yn 'e pleit foar it oprjochtsjen fan in <i>ynter-Frysk</i> kultuerparlemint om de ûnderlinge, grinskrusende politike en bestjoerlike gearwurking (op makronivo) te befoarderjen. In parlemint dat him û.o. rjochtsje moatte soe op it bepleitsjen of behertigen fan mienskiplike belangen fan de trije Fryslannen, bgl. troch it ferrjochtsjen fan lobbyaktiviteiten yn wichtige haadstêden lykas Berlyn, De Haach en Brussel. Sa'n 'Opstalsbeam'-parlemint soe syn sit krije kinne yn Au[w]erk (bgl. yn it gebou fan de Ostfriesische Landschaft).</p> <p>It is ien fan de punten dy't de Fryske Rie op it aljemint brocht hat by de leden fan it advyskomitee foar it 'Ramtferdrach foar de Beskerming fan</p>

	<p>Nasjonale Minderheden' (te Ljouwert op 19 nov. 2018) fan de Ried fan Europa.</p> <p>b. Taryeden moeting foar froulju, yn 2022</p> <p>c. Moeting foar agraryske studinten, tegearre mei it Nordwin College</p> <p>d. Taryeden kulturele Fryske manifestaasje op Hilgelân: Friesen-droapen yn 2022.</p> <p>e. Besite oan de twajierlikse Westfrieslanddei yn Skagen, mei in eigen Frsyke Rie en Ynterfryske Rie-diske en of ien of mear wurkwinkels.</p>
Effektemjitting (hoe wurdt it effekt metten)?	Yn it jierferslach, fia de eigen hiemside en yn de media wurdt omtinken jûn en frege foar de aktiviteiten.
Gearwurkingspartners:	Interfriesischer Rat e.V., Nordwin College Ljouwert, Vrouwen van Nu, en tal fan oare Fryske organisaasjes.
Wize fan publyksrjochte kommunikaasje: <i>Foarbyld: brosjure, webside, Facebook.</i>	By al de uterings fia de hiemside en parseberjochten, 21ste iuwske kommunikaasjemiddels (Facebook, Instagram, Twitter, Tiktok, ensfh.) wurdt yn it Frysk omtinken jûn oan de aktiviteiten en spesifyk beneamd dat dy mei troch stipe fan de provinsje Fryslân stal krije kinne.
Kosten en opbringsten:*	Finansieringstabel, taheakke 2b jout in gearfetsjend oersjoch fan alle aktiviteiten
Oare relevante punten	Beliedsnota 'Nij Poadium' 2021-2024 Keunst & kultuer, taal & ûnderwiis en erguod yn Fryslân. De doelstellings dy't foar de Fryske Rie fan tapassing binne, lizze op it mêd fan taal, ambysjes 7A, 7B en 7C yn haadstik 5.

Namme aktiviteit: PUBLISITEIT	
Kontaktpersoan + kontaktbysûnderheden:	Lolke Folkertsma, De Skâns 20, 9101 HR Dokkum, tel. 06 46 15 77 36, lolketjittefolkertsma@gmail.com
Beskriuwing aktiviteit	
Omskriuwing fan de aktiviteit:	Ûnderhâld hiemside, ynternet, struibrief, sosjale media en oare publisiteit.
Nei te stribjen kwantitative resultaten:	Fergrutsjen nammebekendheid fan de Fryske Rie en fan it draachflak foar it wurk fan de Fryske Rie. De Fryske Rie siket nei wegen om mear minsken en benammen jongere minsken te ynteressearjen foar syn idealen en wurksumheden. De jierlikse 'Jonge-boeremoetings' foar studinten yn it agrarysk ûnderwiis is in resultaat fan it fergrutsjen fan it draachflak en dat no al in tal jierren faak slagget. Maksimum mooglik tal dielnimmers oan meetings en manifestaasjes wurdt helle.
Neit te strjibjen effekten	Tanimmende ynteresse fan West-Friezen yn it wurk fan de Fryske Rie.
Effektemjitting (hoe wurdt it effekt metten)?	Sifermjittich, ek oan de hân fan parse- en oare media-uterings.
Gearwurkingspartners:	Kommersje
Wize fan publyksrjochte kommunikaasje: <i>Foarbyld: brosjuere, webside, Facebook.</i>	Foar alle aktiviteiten in eigen kommunikaasjeplan opstelle, wêrby't de 21ste-iuwske kommunikaasjemiddels njonken de wenstige kommunikaasjemiddels ek ynset wurde. Bygelyks: Facebook, Instagram, Twitter, Tiktok, ensfh.
Kosten en opbringsten:*	Finansieringstabel, taheakke 2b jout in gearfetsjend oersjoch fan alle aktiviteiten
Oare relevante punten	Beliedsnota 'Nij Poadium' 2021-2024 Keunst & kultuer, taal & ûnderwiis en erguod yn Fryslân. De doelstellings dy't foar de Fryske Rie fan tapassing binne, lizze op it mêd fan taal, ambysjes 7A, 7B en 7C yn haadstik 5.